

吉力立诗词

2023年

定风波

晨钓得老龟，却是旧时相识。

抛尽空钩意未休，
湖山坐断逞风流。
独爱清风鸥鸟伴，经惯。
陈衫旧帽却怜头。

忽有龟君来祝寿，师友。
神台高筑不为谋。
摇身拽尾蒙庄愿，重见！
万顷浪里得自由。

2023年7月1日晨垂钓，
多年老龟重来谒见，送别之。
取王孟津“蒙庄拽尾是我师”之意戏作。

渔歌子三首

效烟波钓徒体

双岛湖前倒影深，
清风明月醉渔人。
抛钓饵，且留神，
莫教鱼儿受了惊。

鲈脍莼羹处士心，
季鹰怜此负功名。
乘扁叶，破縠纹，
烟波荡里寄余生。

风雨无凭鹭鸟亲，
一丘一壑费登临。
吟洛赋，步微尘，
甄妃不见也销魂。

2023年6月29日至7月4日独居桦庐，
日日早出夕归，与鱼鸟为伍。



新荷叶

晚春回桦庐，效醉翁体

春已归兮，蕪园不见芳菲。
绿树成围，付于莺老花飞。
翠湖晨晓，似江南，归梦依依。
天边雁少，锦书无托生悲。

身懒心滞，对窗听雨成痴。
逝者如斯，觉来物是人非。
鬓边白发，叹年华，频唱式微。
人生若梦，而今七四添一。

2023年6月6日至桦庐，
因旅欧较往年为迟。
只觉绿阴如围，与往不同也。

鹧鸪天

送宏光好友

抖擞柴门旧积埃，
君来顿觉桦庐开。
飞竿稳把经纶手，
华发童颜太白眉。
登石阶，步苍苔，
斜风细雨不思归。
闲云野鹤翩然去，
莫负重逢老酒杯。

2023年6月7至9日
鲍宏光陈静漪夫妇来访甚欢。
距密北之行又一年矣。



满江红

落日西沉，霞光下，残垣断壁。
抬眼望，苍山似海，翠峰如织。
祭祀台前苔藓重，
袖珍国里葡萄碧。
问谁先，率舰下西洋？
风涛激。

穿小径，寻遗迹；
呼美酒，催眠食。
更抚今论昔，讪谈 契阔。
似是而非天道乱，
欲休还说书生疾。
且回头，收拾旧蓑衣、
平生履。

2023年3月7-19日
与陈宗禹姚清夫妇同游葡萄牙，
一路上天朗气清，愉快默契。
作满江红以记之。

满江红

血雨腥风，从来出，人间肆逆。
常八九，穷兵黩武，独夫民贼。
断壁连村嫠妇哭，
弹痕满目儿童泣。
恨斯人，手铸错千斤，
心如铁。

烽云恶，鏖战急；
兜鍪暗，旌旗湿。
但硝烟深处，兰黄二色。
炮火若能增域土，
干戈岂不同金帛？
问环球，正义在何方，
无人识！

2022年2月29日俄罗斯侵略乌克兰。
战争一年来俄方无法无天，
实为人类文明之耻辱。





瑞鹧鸪

听李斯特有感

朝闻喷薄吐霞光，
夜品忧伤九折肠。
跳荡“钟声”欢百度，
流觞“爱梦”泪千行。
“歌神”飘逸林泉涩，
“序曲”铿锵寓意长。
不是天才多慢世，
只缘惆怅化清狂。

2023年10月18日去波兰机上
听李斯特迂迴反复，
词句遂一一流出。





青玉案

笛

月明星暗腾轻雾。
壑影动，云来去。
霜竹一声喷嶰谷。
似歌如诉。
舞蛟泣妇，
泪湿浔阳渡。

小桥流水乡思苦。
袅袅余音绕庭宇。
梦里听它千百度，
蓦然惊觉，
那声却在，
心底无垠处。

2023-1-21 夜梦笛声，
醒后挥之不去。

贺新郎

逸气轩庭宇。
似兰亭，讌谈契阔，相逢如故。
恍惚当年情和貌，世路干戈同赴。
却风雨，今生将暮。
鸟倦飞还归林去，
蝶与蜂，往日多辛苦！
时合运，已天付。

古来出处难兼顾。
见谁人，行藏用舍，轻车熟路？
有鹿从渠求鹿梦，常笑游鱼得趣。
论滋味，不知腐鼠。
彩笔休题肠断句，
要新诗，翻作阳关语。
将进酒，待重聚！



2023年7月24日，
原位育好友于上海商城茶聚，忆之不舍。
作《贺新郎》遥赠各位，以寄思念之情。

